

# REGLUR

## Frímerkja- og póstsögusjóðs.

### 1. gr.

Sjóðurinn heitir Frímerkja- og póstsögusjóður, og er í vörslu Íslandspósts hf. Heimili hans og varnarþing er í Reykjavík.

### 2. gr.

Tilgangur sjóðsins er að efla og styrkja störf og rannsóknir á sviði póstsögu og frímerkjafræða og hverskonar kynningar- og fræðslustarfsemi til örvunar á frímerkjasöfnun, svo sem með bóka- og blaðaútgáfu. Eins skal sjóðurinn styrkja sýningar og minjasöfn, sem tengjast frímerkjum og póstsögu.

### 3. gr.

Stofnfé sjóðsins er höfuðstóll hans, að fjárhæð kr. 4.611.600 miðað við 1. janúar 2000.

### 4. gr.

Tekjur sjóðsins eru sem hér segir:

- a) 3,5 hundruðustu hlutar af sölu frímerkja til safnara hjá Íslandspósti hf.
  - b) Yfirverð á örkum sem gefnar eru út í tengslum við stórar frímerkjasýningar.
  - c) Gjafir og framlög.
  - d) Vextir og stofnfé og annað fé sem sjóðnum áskotnast.
  - e) Tekjur sjóðsins verði aldrei minni en kr. 3.000.000 á ári vegna liðar a).
- Lágmarkstekjur samkvæmt lið e) eru óháðar tekjum samkvæmt lið b).

### 5. gr.

Samgönguráðherra skipar fimm menn í stjórn sjóðsins og þrjá til vara til fjögurra ára í senn. Skulu tveir tilnefndir af Íslandspósti hf. ásamt einum varamanni. Landssamband íslenskra frímerkjasafnara tilnefnir tvo menn í stjórnina ásamt einum varamanni. Samgönguráðherra skipar oddamann og varamann án tilnefningar.

Stjórnin skiptir með sér verkum. Endurskoðendur skulu vera tveir, aðalendurskoðandi Íslandspósts hf. eða sá, sem hann tilnefnir í sinn stað og hinn tilnefndur af Landssambandi íslenskra frímerkjasafnara til fjögurra ára í senn.

### 6. gr.

Stjórnarfundir skulu haldnir eftir þörfum. Varamenn hafa rétt til fundarsetu með tillögu-rétt og málfrelsi. Samþykktir stjórnar eru því aðeins lögmætar, að hún sé fullskipuð. Afl atkvæða ræður úrslitum. Halda skal fundargerðabók. Stjórnin er ólaunuð.

### 7. gr.

Stjórnin veitir styrki þegar hún telur henta annað hvort samkvæmt umsóknum eða að eigin frumkvæði. Umsóknir skulu vera skriflegar og þeim fylgja ítarleg greinargerð um í hvaða skyni sótt er um styrk. Styrki má veita félagasamtökum, einstaklingum og stofnunum.

### 8. gr.

Stjórn sjóðsins gerir árlega reikninga yfir tekjur hans og gjöld. Reikningsárið er almanaksárið. Reikningar skulu lagðir fyrir endurskoðendur eigi síðar en 15. febrúar ár hvert. Endurskoðun skal lokið fyrir 15. mars ár hvert.

9. gr.

Stjórn sjóðsins ákveður hvernig hann skuli ávaxtaður.

10. gr.

Reglur þessar taka þegar gildi og frá sama tíma falla úr gildi reglur Frímerkja- og póstsögusjóðs nr. 449 frá 29. október 1986.

*Samgönguráðuneytinu, 18. maí 2001.*

**Sturla Böðvarsson.**

*Halldór S. Kristjánsson.*

Nr. 454

5. júní 2001

## SAMÞYKKT

### fyrir veiðifélag Laxár í Leirársveit.

1. gr.

Félagið heitir Veiðifélag Laxár í Leirársveit. Heimili þess og varnarþing er þar sem formaður á heima.

2. gr.

Félagssvæði félagsins er ósasvæði Laxár og fiskihverfi Laxár frá ósasvæði að ólaxgengum fossi í Draghálsá.

Félagsmenn eru ábúendur eða eigendur eftirtalinna jarða og landareigna: Vestra-Súlunes, Eystra-Súlunes, Bakki, Skorholt, Akurey, Skipanes, Lækur, Beitistaðir, Vogatunga, Leirá, Melkot, Steinsholt, Tunga, Hóll, Hlíðarfótur, Eyri, Kambshóll, Glammastaðir, Dragháls, Geitaberg, Þórisstaðir, Saurbær, Svarfhóll, Hurðarbak, Vestra-Miðfell, Hlíð, Stóri-Lambhagi I, Stóri-Lambhagi II, Stóri-Lambhagi III, Lambhagi, Litli-Lambhagi, Fellsaxlarkot, Litla-Fellsöxl, Kjalardalur, Arkarlækur, Bekasstaðir, Hvítanes I, Hvítanes II, Vallarnes.

3. gr.

Verkefni félagsins er að viðhalda góðri fiskgengd á félagssvæðinu og að ráðstafa veiði eftir því sem aðalfundur ákveður. Einnig að stuðla að góðri umgengni um vatnasvæðið og koma í veg fyrir að verklegar framkvæmdir eða önnur starfsemi skaði lífríki þess. Félagið tekur til allrar veiði á félagssvæðinu.

Stjórn félagsins er heimilt að leigja út tiltekin svæði innan félagssvæðisins, eða allt, til stangveiða í tiltekinn tíma, þó ekki lengur en til fimm ára í senn. Í slíkum samningum skal tekið fram með hve mörgum stöngum heimilt er að veiða samtímis á því svæði sem leigt er, leigutímabil, hvaða veiði er leyfð, heimil veiðitæki, veiðitíma á degi hverjum svo og önnur skilyrði veiði. Samningar til lengri tíma en tveggja ára skulu háðir samþykki félagsfundar. Stjórn félagsins er heimilt að reka gístiaðstöðu og mötuneyti fyrir veiðimenn og leigutaka.

4. gr.

Stjórn félagsins skipa fimm menn, formaður og fjórir meðstjórnendur. Þeir skulu kosnir á aðalfundi félagsins til þriggja ára í senn. Formaður skal kosinn sérstaklega. Ganga þeir úr stjórn á víxl þannig að formaður gengur út eftir eitt ár, tveir meðstjórnendur eftir tvö ár og hinir tveir eftir þrjú ár og helst svo sama röð áfram.